

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

I. Dicendum hoc libro de legum executione, quæ protuitione ecclesiastica disciplinæ feruntur, quod expeditur hodic per appellationes ab abusu dictas. Formula illarum est recentior. Sed res ipsa ...

**urn:nbn:de:hbz:466:1-15591**



# LIBER QVARTVS.

## CAPVT PRIMVM.

### Synopsis.

I. Dicendum hoc libro de legum executione, que pro tuitione ecclesiastice discipline feruntur, quod expeditur hodie per appellationes ab abusus dictas. Formula illarum est recentior. Sed res ipsa iisdem inititiis in Ecclesia cum regia potestate coauit. Ordo huius disserationis. Agitur primò de autoritate Principum Romanorum in hoc genere. Deinde inquiritur quid ex eo jure in Reges Galliarum manari. Quacunque olim acta, hodie vigore non possunt.

II. A Principibus prohibiti olim Episcopi ne canones violarent. Executio canonum differt à Tuitione; quamvis etiam apud veteres aliquando hec verba confundantur. Executio jurisdictionem ecclesiasticam respicit, & ligandi solvendique pontificium. Tuition à Principibus penderet; que declarationem nullitatis eorum que gesta sunt adversus canones non egreditur. Princeps legum suarum habet iurav, Canonum vero ad ipsius tantum & custodiam.

III. Vulgata regula. Canones vim legum obtinent, novè, sed juxta mente Iustiniani explicata. Quà non solum reverentia & executio publica canonicis conciliatur; sed etiam Principi custodia canonum, ut ceterarum legum, afferitur. Quod ostenditur è Iustiniani Novellis. Itaque canonum executio nititur auctoritate pontifica & regia. Hac leditur canonibus violatis, ac si leges publica ledarentur. Imò custodia

canonum Principes prospicere tenentur plusquam legum civilium.

IV. Explicatur è Iustiniano ordo qui servatus fuit ad hanc custodiam. Princeps Episcopis lege sua canonum executionem precipit, & Magistratibus. Hi vetare debent ne canones violentur. Si infraicti fuerint, referre ad Principem, ut ipse corrigat. Decretum Episcopos expulsionis pena, ex vi legis infingenda.

V. Quaritur an Constitutiones illa recepta fuerint ab Episcopis. Consilio Episcoporum res ecclesiasticas Iustinianus tractabat, è Procopio, & Eustathio. Procopius explicatus adversus Nicolaum Alemannum. Iustinianus non pervertit Sanctiones Christianorum, ut ille affingit Procopio; sed dissimilavit justas illorum conquerendi rationes, cum vexati essent à Iudeis.

VI. Manifesta violatio canonum, à Synodo aut à Principe refutari poterat. Quod ostenditur è Synodo C P. sub Mena, in causa Ambimi, qui jussu Theodore ex episcopatu Trapezuntio ad Constantinopolitana profulerat. Inde illustratus Concilium Africatum adversus Balsamonem. Hoc etiam ostenditur è Codice, & Liberato. Depulso à sede, que vacarem redderet Ecclesiam, in manifestissima canonum violatione, irrogabatur aliquando à Principe; non autem regradatio aut dejectio à dignitate.

I. **S**VPERIORIBUS libris præcipua jecimus fundamenta, quibus Libertas Ecclesiæ Gallicanæ nititur; hinc supremam Ecclesiæ & Summi Pontificis auctoritatem, que res tantum ecclesiasticas administrat; hinc supremum Principis imperium, quod reipublicæ gerenda & rebus temporalibus impenditur; præterea verò tuenda disciplina ecclesiastica ex ipso Christi omnium Domini mandato invigilat, immotisque præstat Conciliorum canones, & inconcussas Decretalium epistolarum constitutiones, consuetudinēque receptas; nisi quatenus Ecclesiæ Gallicane commodis expedit ut pro rerum ac

temporum conditionibus, Summi Pontificis rescriptis juris rigor aliquando tempetur. Sed jus illud præsidij impertiendi ad retinendam disciplinam canonicam, otiosum esse non debet; ideoque legibus suis Principes canonum & decretorum executioni consulere tenentur, ut dixi libro secundo.

Enimvero quia condenda legis auctoritas, non in sola promulgatione versatur, sed in rerum constitutarum executione, quæ est id quod ultimum in jurisdictione vocant Iurisconsulti; hinc fit ut quæ pro tuitione ecclesiastica disciplinæ leges feruntur, executioni mandari debeant ab Episcopis, vel etiam aliquando à Principibus, aut à Magistratibus, quibus auctoritatem suam ipside-

B b ij

legaverint. Id hodie apud nos in foro solenibus quibusdam formulis expeditur, quæ *appellations tanquam ab abusū vulgo dicuntur*: adversus quas imperitiores rerum nostrarum de novitate præscribunt, ac si res ipsa antiquiori origine non censeretur quam istud forense vocabulum; cùm tamen æquis rerum æstimatoribus facile persuaderi possit rem ipsam, id est, tuitionis ecclesiastica executionem, iisdem initius cum regia potestate in Ecclesia Christiana coauisile. Quod eo ordine à nobis demonstrabitur, ut primò doceatur quibus finibus auctoritas illa apud antiquos Principes Romanos, quorum pietas commendatur, olim coercita fuerit, deinde quid ex eo jure ad Galliarum Reges usque ad hæc nostra tempora derivatum fuerit. Quæcumque enim apud veteres Principes in cauiss olim viguerunt, locum apud nos habere non possunt; nec immutata aliquantis per disciplina antiquum illum ordinem ullo pacto admittere potest. Quare quæ à me in hoc negotio proferentur, ut fideliter rei gestæ narratione constabunt, ita non alio tendent quām ut demonstretur usum fori non omnino alienum esse à p[ri]ca disciplina & à majorum nostrorum sensu, si intra debitos fines continetur.

Concl. Antioch.  
c. 5. n. 3. n. 3.  
ph[il]os. In p[ro]p[ri]etate  
accusat. q[uod] u[er]o  
xanthus. d[icit] m[axime]  
l[oc]us. l[oc]us  
d[icit] r[ati]onib[us] aut  
d[icit] r[ati]onib[us].

II. Cura autem Principum Christianorum olim non solum hæreticorum furores compressi, tumultus seditionis sedati, contumacia Episcoporum aut Clericorum adversus synodorum sententias rebellium ab externa potentia repressa, passim inter legendum occurruunt, sed etiam Principum studio prohibiti Episcopi ne legibus secularibus vel canonibus violatis, injuriam subditis inferunt. Antequām verò ejus rei probationem aggrediar, lectoris benignitatem exoraram velim ne de singulis hujus Dissertationis pericopis sententiam ferat, donec totum hunc quartum librum perspexerit. Discretum autem initio constituere oportet inter Executionem Canonum & Tuitiōnem: quamvis alioqui saepissime hæc verba confundantur, non solum in Edictis Regum nostrorum, sed etiam apud veteres. Etenim Leo primus se canonum & traditionum antiquarum custodem esse, in epistola ad Synodum Chalcedone habitam, scripsit; & vice versa, Facundus Hermianensis Episcopus Marcianum Imperatorem non canonum conditorem, sed executorem afferuit. Sed si proprii loqui velimus, executive canonum jurisdictionem ecclesiasticam respicit: cuius partes sunt, ut judicia canonica reddat, pœnis canonicas, id est excommunicatione, degradatione, suspensione, & ceteris ejusmodi reos plecat, & ut omnia uno verbo com-

pleteat, ligandi & solvendi pontificium exercet. Tuitio verò canonum à Principibus pender; quæ canonum custodiæ prospicit, & nullitatē rerum adversus canones gestarum aliquando declarat, atque omnia in integrum restituit. Sed ultra non progreditur, scilicet ad executionem canonum, quam ab Episcopis implendam indicit. Non ergo eadem auctoritate in rebus ecclesiasticis, ac in rebus secularibus, Princes utuntur. Quod Iustinianus satis aperte docuit, cùm scripsit Nov. 157 datam sibi à Deo legum civilium *τέλος εγρίας*, id est, plenam & liberam figendi & refugendi potestatem; sed legum ecclesiasticarum & canonum *τέλος τε θεοπλαστών*, id est, custodiā, tuitionem, & defensionem. Eleganter itaque monuerunt Græci scriptores, canones difficilius solvi quām leges publicas, quæ à solo Principis nuru pendent; cùm canones ab Episcopis constituti, & à Principibus firmati fuerint; atque ideo illorum valde interfit ne quod summa cura decreverunt, illis invitis aliquando sine causa infringatur.

III. Vulgatissima est Iustiniani sententia, à Romanis Pontificibus summo applausu excepta, & à Gratiano in corpus Decreti relata, quæ canones legum vim habere decernit. Sed ejus vis nondum, ut existimo, factis est accuratè persensa. Non solum enim hoc dicto reverentia debita canonibus conciliatur, & eorum executioni, servato judiciorum publicorum ordine, consultur; sed etiam jus Principis ad custodiā canonum, ut ceterarum legum à se conditarum, procurandam afferitur. Et ne quis hanc interpretationem nostram hariolationi adscrivat, laudandus est in auctore ipse Iustinianus, qui alibi recte constitutus monendum esse episcopatus candidatum, antequam ordinatur, ut canones editos accuratè legat; & si quidem se canonum observantiae imparem esse dixerit, ab ejus ordinatione abstineatur; sin verò se, quantum homini est, ea constituta servaturum professus fuerit, ordinetur. Ita tamen ut ab Ordinatore suo monetur, sacerdotio pellendum si in canones peccaverit; imò & à civili lege vindicandum quod perperam gestum erit, quia canones vim legum obtinent: *Neque civiles leges crimen inultum relinquunt, èo quod à precedentibus nos Imperatoribus, & à nobis ipsis recte dictum est, oportere sacras regulas prolegibus valere.* Itaque canonum executio duabus supremis in Ecclesia auctoritatibus innititur, pontificali scilicet, & regia: *Vt ex sacerdotali & civili virtute hæc custodiantur, inquit Iustinianus Novella LVII. ita ut ea convelli non possim que & sacerdotiali ecclesiastica præceptione*